

La BCG offra 60 jobs da stad en il gaud da muntogna S'annunziar ussa per in engaschi en il gaud da muntogna

Cuira, ils 3 d'avrigl 2019 – La Banca Chantunala Grischuna (BCG) ed il Project en favur dal gaud da muntogna porschan a 60 giuvnas e giuvenus grischuns da 15 fin 19 onns in job da stad en il gaud da muntogna. Il project cuminaivel ha lieu per la settavla giada e chatta mintgamai buna accoglientscha. Interessentas ed interessents pon [s'annunziar](#) fin ils 30 d'avrigl 2019.

Ils lieus d'engaschi da quest onn sa chattan a Cuira, Glion, Claustra e Bravuogn. Durant in'emna il fanadur e l'avust lavuran 60 giuvenils en il gaud da muntogna grischun. Sut la direcziun da spezialists da selvicultura prendan las giuvnas ed ils giuvenus per mauns differentas lavurs: els emplantan, construeschan sendas d'inspeziun e saivs, tgiran surfatschas ch'èn sut protecziun da la natira e fan bleras autras activitads utilas. Cun lavurar fan las participantas ed ils participants experientschas directas en il gaud da muntogna e prestan ina contribuziun activa al mantegniment dals divers effects da protecziun ch'il gaud da muntogna ha. Per lur engaschi survegnan ils giuvenils in daner da giagliooffa da 500 francs.

Las emnas da project cuminaivlas da la BCG e dal Project en favur dal gaud da muntogna han lieu il 2019 per la settavla giada. Grazia a la collavuraziun cun il Project en favur dal gaud da muntogna, ina fundaziun d'utilitad publica cun sedia a Trin, mussa la BCG ch'ella prenda serius ils basegns da l'ambient e da la societad. Ils engaschaments da lavur duain gidar a famigliarisar las scolaras ed ils scolars cun la natira ed ad intermediar ad els la funcziun dals guauds indigens.

Giuvnas e giuvenus motivads da 15 fin 19 onns che vulan s'engaschar per la natira pon s'annunziar fin ils 30 d'avrigl 2019 sin gkb.ch/sommerjobs.

Contact per ils collavurats da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Nadja Maurer, nadja.maurer@gkb.ch, telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 1'009 collavuraturas e collavurats (stadi dals 31.12.2018). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 26.5 milliardas in gudogn dal concern da CHF 185.1 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants:	4 da matg 2019
Rendaquint semestral 2019:	25 da fanadur 2019